



53359

I

Mag. St. Dr.

P

Stenkowski Martini: Quæstio physica de ani-
ma corporis informata.

Crac. ap. Luc. Kujar, 1648.

Biblioteka Jagiellońska



stdr0004461



QVÆSTJO
P H Y S I C A
DE
ANIMA CORPVS
informante.

A

M. MARTJNO SLONKOWIC,

Colle. Minore Contub. Iagel-
loniani Seniore.



Publicè.

*In Alma Academia Cracouien.
permisſu.*

MAGNIFICI DOMINI RECTORIS
ad diſputandum
PROPOSITA.

Anno Domini. 1648. Menſis Ianuarij die 11.

C R A C O V I Æ.

Apud Lucam Kupiſz, S. R. M. Typogr.

Bj. 1.8.



53359-
1
*Nequicquam validos quatunt basilica muros
Nequicquam tentant fallere mille doli;
Quos Leo magnanimus forti munimine claudit
Quos purum stabili cardine verum aperit.*

Adamus Ordega
Phil: & Eloq: Stud:

Religiosissimo

Et

Admodum Reuerendo in Christo Patri

PRÆMISLAO DOMIECHOWSKI
S. ORDINIS CISTERCIENSIS PROFES-
SO, CLARÆ TVMBÆ PRIORI

Domino ac Patrono colendissimo.



*N*aturam animæ & vim eius in corpore hac
Quæstiuncula adumbratam, atq; certamini Phi-
losophico in Nobilissimo Sarmatici orbis Lyceo
propositam, ad Te Admodum R. P. Libens defe-
ro: rem quidem si ex argumento iudicetur præ-
stantissimam, si ex Authore satis exilem: viroq;
tamen respectu non alteri à me quàm tibi fidentius
dedicandam. Tus enim in me toties collata beneficia, tuus ab ineunte
etate singularis amor, cò animum meum trahit perpetuò, vt siue quid
candidus mihi jucundo flatu ferat Fauonius, siue niger turbulento
strepitu intrudat Boreas, id totum ad te vnum, vel mihi certum qua-
rendo præsidium, vel tibi debitam præstando venerationem referen-
dum putem. Nec immerito; idenim mentibus nostris mater omnium
rerum ingenerauit natura, vt ad eorum patrociniũ, quorum fru-
stra nunquam flagitauimus opem, tanquam ad vmbra[m] notam, in
omni difficultatum æstu refugiamus: & eisdem vicissim quidquid
boni tam mortalibus in hac mortali vita, quàm beatis in æterna eue-
nire potest, exoptemus. Hinc Romani olim fontibus etiam in animis,
qui præsentissimum urgente siti erant refugium, gratiam refere-
tes, diem festum, quo coronas in fontes proyciebant, & puteos coro-
nabant constituerunt; eumq; diem Fontinalia appellârunt. Quocir-
ca nec ego me errasse existimo, dum hanc meam Disputationem &

tuo nomine adornare; & in officiosissima signum observantia tibi
ipsi offerre constitui. Certus enim sum, nomen tuum tantum orna-
menti huic Disceptationi allaturum, quantum & Majestas loci in quo
habebitur, & personarum dignitas quibus presentabitur videtur pos-
tulare. Cum nemo sit qui ignoret, quantum tu ad eum splendorem,
quem à Generoso Majorum tuorum habes sanguine, de proprijs vir-
tutibus & solida eruditione, tam in moribus tuis omnem humanita-
tis inspirantibus, quam in scriptis doctissimis ac devotissimis elucente,
adjeceris. Virum nimis excellentissimis ornatum virtutibus, etiam si
ipse eos quos mundus confert honores fugiat; & totum se humilitati,
quæ est fons omnium virtutum deuoveat, in obscuris claustris penetra-
libus non obstante adificiorum mole, aut loci remotione, tanquam in
theatro positum, omnes suspiciunt, observant, venerantur. At nec
dubitare possum, hanc speculationem de animatibi fore gratissimam,
cum nouerim optime, & quisq; ex ipso genere vitæ quod tibi elegisti
potest judicare, nihil tibi ea contemplatione, qua homo in cogniti-
onem sui ducitur esse antiquius. Et licet hac non sit eius modi, ut ad
cas quas ex sacris deuota mentes hauriunt oraculis quidpiam possit
adungere; non tamen ingrata potest esse ei, qui dum hinc à diuino specu-
latore audit, Nihil prodesse, si quis totum mundum lucretur & anima
sua detrimentum patiatur; inde autem à naturali Philosopho accipit.
Inter res sublunares quod præcipuum humanus cognitione attingit
intellectus, id animam esse, facile iudicat quàm verum consentiat
vero. Tu igitur Admodum R. P. cui ipsum domus Nobilissima decus
veritatis iudicium attribuit, hanc breuem speculationem æqui boniq;
consule: & submissam animi mei Propensionem, eo vultu quem mihi
semper præstitisti suscipe.

Adm: R. P. T. deuotissimus.

M. MARTINVS
Slonkovviç.



QVÆSTIO.

Vtrum Anima in quocunq; vi-
uente sit tantu'm vna, exclu-
dens omnem aliam formam sub-
stantialem, non solu'm ex parte
diuerforum vitæ graduum, sed
etiam ex parte corporeitatis, &
partium heterogenearum necne?

CONCLUSIO I.

In vnoquoq; viuente quilibet rectè sentiens,
non nisi vnā agnoscit animā.

C O R O L L A R I A

1. *Anima in viuyente est forma informans, dans viuenti esse simpliciter.*

2. *Anima est Substantia partialis, & actus formalis correspondens materie, non accidens aliquod, aut temperamentum qualitatum.*

3. *Anima cum Corpore constituit vnum ens per se.*

4. *Anima secundum suam essentiam est tota in toto corpore, & tota in qualibet parte; non autem sic secundum potentias; nec secundum quantitatem in plantis, & animalibus imperfectis.*

5. *Anima non est vna in omnibus viuentibus, sed tot sunt numero anime, quot viuentia.*

C O N C L V S I O II.

Anima in viuyente nullam aliam secum patitur formam substantialem

COR-

C O R O L L A R I A

1. Decipitur quicumque docet, tot esse in vno viuente formas substantiales, quot prædicata quiditativa.

3. Perinde est ponere plures formas substantiales in vno viuente, ac ponere plura esse, quorum quodlibet sit primum.

3. Formas accidentales, quæ adueniunt enti a-
ctu per formam substantialem existenti, dari in vno viuente multiplices, nemo ibit inficias.

4. Non repugnat veritati, dari partem mouentem & partem motam in vno viuente exclusis diuersis formis substantialibus.

5. Ab vna substantiali forma plures in viuente procedere motus siue proprios siue improprios nihil prohibet.

C O N C L U S I O III.

Propter diuersos vitæ gradus plures Animæ in vno viuente non sunt concedendæ.

COR-

COROLLARIA.

1. Dicens animam esse primum principium, quo viuimus, sentimus, mouemur, & intelligimus, singulos viuentium gradus distribuit.

2. Primum gradum tanquam fundamentum reliquorum, appellari nomine vite omnibus alijs communi non est inconueniens.

3. Dantur alia viuentia, in quibus vnus tantum reperitur gradus, alia in quibus plures, alia in quibus omnes.

4. Priores gradus sine posterioribus esse possunt non contra.

5. In quibus vnus reperitur gradus, in his est ille gradus substantia, in quibus plures, vltimus tantum substantia reliqui potentie.

CONCLUSIO IV.

Nulla cogit ratio, formam substantialem corporeitatis admitti in viuentibus.

COR.

C O R O L L A R I A

1. *Anima constituens viuens in esse viuentis quod est maius, constituit illud simul in esse corporis quod est minus.*

2. *Corpus viuentis cuius anima est actus, non dicitur potentia vitam habens respectu actus primi, id est ipsius animæ quæ est informatum, sed respectu actus secundi, id est operationum, quas ab anima habere potest.*

3. *Totum viuens ex corpore ut potentia, & ex anima ut actu constituitur.*

4. *Anima in corpore viuentis triplicis causæ munus exercet, formalis, finalis, & efficientis.*

5. *Recedente anima à corpore, non remanet idem corpus specie, nec oculus aut caro dicitur; nisi æquinocè.*

C O N C L U S I O V.

Pluralitas partium organicarum, sine pluralitate formarum substantialium optimè potest sustineri.

B

COROL

C O R O L L A R I A.

1. Propter diuersas operationes animæ necesse est diuersas dari partes in corpore viuentis.

2. Quò anima est perfectior, & plures potest exercere operationes, eò plures requirit in viuente partes organicas, excepta rationali anima, quæ ut talis est, non indiget organo corporeo.

3. Organizatio partium in viuente intelligenda est tam accidentalis quo ad dispositionem quantitatis & qualitatis, quàm substantialis quo ad viuificationem & informationem ab anima.

4. Diuersæ complexiones & qualitates partium organicarum, non arguunt diuersa esse, à diuersis formis substantialibus prouenientia.

5. Partes organicæ differunt inter se accidentaliter, sed substantialiter non nisi aliquo modo, quatenus diuersimode ab una forma quæ est virtualiter multiplex informantur.







Sub felicibus auspicijs,
Per illustris ac Magnifici Domini,
IACOBI VITELLII,
S. Th. Doctoris ac Professoris.
Canonici Crac. Almæ Acade-
miæ Procancellarii & Gene-
ralis **RECTORIS.**





